

Homenahe pa un gran labor y trayectoria: Maybelline Arends-Croes



ORANJESTAD

Recientemente a tuma lugar e celebracion cultural en conexion cu Dia di Himno y Bandera. Riba e anochi aki, na Plaza Libertador Betico Croes na Playa, a presenta na publico un programa amplio y varia di shownan di musica, canto y baile.

Un di e momentonan mas resaltante di e anochi tabata ora cu a rindi un homenahe bon mereci na e conocido docente y corista Sra. Maybelline Arends-Croes.

Hopi ta e talentonan cu a keda desaroya door di Juffrouw Maybelline y riba e anochi aki, varios di nan a subi escenario pa atravez di nan canto duna danki y honor na dje. Entre otro tabatey Justin Flores, agrupacion Teen Angel, Melange y MasCuVox.

Minister Lee a hiba Palabra y a haci entrega di un bunita plakaat pa semper recorda e anochi special aki. Riba e combinacion di potret ta haya un bista mas amplio di esaki.

